



Հուսիկ Արա

Եվ սերը ասաց

Ամեն բան հարաբերական է տիեզերքում,
բացառությամբ սերը,
որ ես ունեմ քո նկատմամբ:

Եվ իմ սերը ասաց՝ լույս լինի,
քո աչքերը եղան.
տեսավ, որ աչքերդ չքնաղ են,
սպիտակ մասը ցերեկ կոչեց,
սևը՝ գիշեր,
որ ամեն օր քնի և արթնանա քո կոպերի տակ:

Սերը ասաց՝ երկինք լինի,
քո հայացքը եղավ,
ասաց՝ երկիրը լինի,
քո ձեռքերը եղան,
որ պինդ գրկես իրեն,
հանկարծ չընկնի ջրերի վրա:

Սերը ուզեց արև լինի,
քո համբույրը եղավ,
ուզեց լուսին լինի,
քո հմայքը եղավ,
և աստղեր ուզեց՝ ժպիտը քո,

որ չմոլորվի առանձնության մեջ:

Եվ սերը քեզ ստեղծեց.

եղար դու`

մարմին ու էություն,

որ շատացնես

համբույրը,

հմայքը,

Ժպիտը

և իշխես բոլորին ու իր վրա:

Ամեն բան հարաբերական է տիեզերքում.

միայն դու ես

բացարձակ Ես,

ինչպես առաջին խոսքը,

որ հնչեց քառսի մեջ

և եղավ: